

人氣  
產品

## Phantom 3 Standard 廉「航」駕到

又有「廉航」駕到，今次係邊間航空公司呢？原來「廉航」係指 DJI 新出的入門四軸機 Phantom 3 Standard，不僅可攝錄 2.7K (2,704 × 1,520@30fps) 高質素影片，售價只係 \$6,200，比起以往同廠機款平幾千元，最啱新手喺中秋邊玩航拍，邊唱《Fly Me to the Moon》！

撰文：黎子豪

攝影：蔡浩文、張群生 查詢電話：3589 4189

### 新 App 模擬練習

航拍講求穩定和影像質素，紅色橫間配以白色機身的 Phantom 3 Standard，附設三軸雲台系統，鏡頭視角支援 94 度，加上 2.7K 拍片畫質，成像穩定又清晰。至於遙控器沿用同廠型號設計，可夾上智能手機，再利用《DJI GO》App 實時拍攝，還引入快速剪輯功能方便各位即刻擺上網。最特別係 App 內置飛行模擬器，畫面有架虛擬航拍機畀各位練習操控，喺屋企練滿師先出動真機就穩陣得多；由於飛行模擬器需要與真機配對，故建議練習時可將四槳拆下。

售價：\$6,200

#### 規格表

影片畫質：2,704 × 1,520@30fps  
鏡頭視角：94 度  
電池容量：4,480mAh  
重量：1,216g

■《DJI GO》內置飛行模擬器功能，提供虛擬航拍機作練習。



a



b

- a. Phantom 3 Standard 用上四軸設計，飛行時夠穩定。
- b. 鏡頭採用三軸雲台系統，支援 2.7K 拍片和 1,200 萬像素影相。
- c. 附送遙控器的設計簡約，並可夾上智能手機。

c

